

**Naalakkersuisut Ilulissani GUX-imik tassungalu atatillugu ilinniartut inaannik  
kingusinnerpaamik ukioq 2027 naatinnagu pilersitsinissaannut peqquneqarnissaannik  
Inatsisartunut aalajangiiffigisassatut siunnersuut.**

*Inatsisartunut ilaasortap Jens NapātôK', Naleraq saqqummiussaa*

**pillugu**

**Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliap**

**siunnersuutip aappassaaneerpeqarneranut**

**ILASSUTITUT ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Nivi Heilmann Efraimsen, Inuit Ataqtigiit, siulittaasoq  
Inatsisartunut ilaasortaq Isak Johannessen, Naleraq, siulittaasup tullia  
Inatsisartunut ilaasortaq Margrethe Thårup Andersen, Demokratiit  
Inatsisartunut ilaasortaq Karen-Marie Kyed Frederiksen, Demokratiit  
Inatsisartunut ilaasortaq Nivi Rosing, Inuit Ataqtigiit

Allanguutissatut siunnersuummut tunngatillugu misissuinerup Naalakkersuisunit saqqummiunneqarnissaanut piffissaliussa q erseqqissarneqassasoq ataatsimiititaliami amerlanerussuteqartut Demokraatineersut aamma Inuit Ataqtigiinneersut kissaatigaat.

**Ataatsimiititaliap inassuteqaatai**

- Ataatsimiititaliami amerlanerussutillit, Demokraatineersut aamma Inuit Ataqtigiinneersut, allanguutissatut siunnersuut tullituttoq akuerisassanngorlugu inassuteqaatigaat:

”Inuussutissarsiutinut sammiveqartumik ilinniarfiutigaluni inuussutissarsiutinut sammiveqartumik ilinniarnertuunngorniarfimmik Ilulissani neqeroorutaasussanik pilersitsisoqarnissaanut pisariaqartitat pillugit misissuisussanik immikkut ilisimasalinnik arlaannaannulluunniit attuumassuteqanngitsunik suleqatigiissitamik pilersitsinissaannut Naalakkersuisut peqquneqarnissaannik Inatsisartunut aalajangiiffigisassatut siunnersuut. Immikkut ilisimasalinnik suleqatigiissitaq, ilaatigut

ilinniartunut inissianut aningaasalersuisinnaanermullu periarfissanut tunngasunik, kaammattuuteqassaaq. Misissuineq Inatsisartunut UPA 2027 nallertinnagu agguanneqassaaq.”

Tamatuma saniatigut qitiusumik ilinniarfinni ilinniarfiit pikkorissarfiillu pillugit ukiumut nalunaarutit ukiut tamaasa pisortatigoortumik saqqummiunneqartalernissaat ataatsimiititaliami amerlanerussutillit, Demokraatineersut aamma Inuit Ataqatigiinneersut, isumaqatigiittup Naalakkersuisunut kaammattuutigaa.

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappasaaniigassanngortippaa.

---

Nivi Heilmann Efraimsen  
Siulittaasoq

---

Isak Johannessen  
Siulittaasup tullia

---

Margrethe Thårup Andersen

---

Karen-Marie Kyed  
Frederiksen

---

Nivi Rosing